



Broj: 11-19-11-2-3989-II/25

Datum: 30.12.2025.godine

Na osnovu člana 43. i 45. stav (2) i (3) Zakona o unutrašnjim poslovima Federacije Bosne i Hercegovine (Službene novine Federacije BiH broj: 81/14), člana 25., 69. i 70. Zakona o javnim nabavkama BiH (Službeni glasnik BiH broj: 39/14, 59/22 i 50/24), i prijedloga Komisije za provođenje otvorenih postupaka nabavki za 2025. godinu, v.d. direktora Federalne uprave policije, d o n o s i:

ODLUKU

o izboru najpovoljnijeg ponuđača u postupku Javne nabavke tonera i ketridža za LOT 2 - HP LaserJET za printere u garantnom roku

1. Prihvata se prijedlog Komisije za provođenje otvorenih postupaka nabavki u postupku Javne nabavke tonera i ketridža za LOT 2 - HP LaserJET za printere u garantnom roku, te se Ugovor dodjeljuje ponuđaču CROBOX d.o.o. Sarajevo, prema Ponudi broj:1156/25 od 05.12.2025. godine, nakon provedene e-Aukcije, po cijeni u iznosu od 44,00 KM bez PDV-a.
2. Po okončanju roka za žalbu Ugovorni organ će pozvati izabranog ponuđača radi zaključenja Ugovora.
3. Obavezuje se ponuđač iz tačke 1. ove Odluke da u roku od 5 dana od prijema ove Odluke dostavi dokumenta navedena u Tenderskoj dokumentaciji broj: 11-19-11-2-3989/25 od 21.11.2025.godine.
4. Ova Odluka objavit će se na web stranici Federalne uprave policije www.fup.gov.ba u skladu sa članom 70. stav (6) Zakona o javnim nabavkama ("Službeni glasnik BiH", broj: 39/14, 59/22 i 50/24).
5. Za izvršenje Odluke zadužuje se Sektor za finansije i javne nabavke.

OBRAZLOŽENJE

Federalna uprava policije je provela otvoreni postupak Javne nabavke tonera i ketridža, koji je proveden po Obavještenju o nabavci broj: 1412-1-1-329-3-215/25, objavljenom u „Službenom glasniku BiH“ broj: 71/25 od 28.11.2025.godine.

Komisija je dana 11.12.2025.godine za Javnu nabavku tonera i ketridža koja je podijeljena na LOT-ove, izvršila radnju Otvaranja ponuda o čemu je sačinjen Zapisnik sa otvaranja ponuda u koji su uneseni svi elementi predviđeni članom 63. stav 4. i 5., ZJN BiH.

Procijenjena vrijednost Javne nabavke tonera i ketridža za LOT 2 - HP LaserJET za printere u garantnom roku, iznosi 7.932,07 KM bez PDV-a.

U postupku pregleda i ocjene ponuda za Javnu nabavku tonera i ketridža za LOT 2 - HP LaserJET za printere u garantnom roku, Komisija je utvrdila da su u određenom krajnjem roku za dostavljanje ponuda za navedenu nabavku pristigle ukupno (4) četiri ponude i to: Ponuda ponuđača ELKOM d.o.o. Vitez broj:102-2/25 od 04.12.2025.godine sa ponuđenom cijenom u iznosu od 530,00 KM bez PDV-a, Ponuda ponuđača ALF-OM d.o.o. Banja Luka broj: 0331/25 SK od 08.12.2025. godine sa ponuđenom cijenom u iznosu od 403,50 KM bez PDV-a, Ponuda ponuđača DEFTER d.o.o. Sarajevo broj:11-12-02-1/25 od 10.12.2025. godine sa ponuđenom cijenom u iznosu od 58,65 KM bez PDV-a i Ponuda ponuđača CROBOX d.o.o. Sarajevo broj:1156/25 od 05.12.2025. godine sa ponuđenom cijenom u iznosu od 44,00 KM bez PDV-a.

Prilikom postupka pregleda i ocjene navedene ponude ponuđača ALF-OM d.o.o.Banja Luka broj: 0331/25 SK od 08.12.2025.godine, Komisija je uočila računsku grešku u Obrascu za cijenu ponude – Aneks II u dijelu računanja ukupne vrijednosti bez PDV-a ($9=7*8$) gdje neispravno stoji za stavku rednog broja 1- 297,70 KM, a ispravno treba da stoji 279,70 KM ukupna cijena bez PDV-a, te se stoga u vezi sa uočenom računskom greškom Komisija pismeno obratila navedenom ponuđaču i zatražila i pribavila saglasnost za ispravku računске greške.

U navedenom postupku, Komisija je utvrdila da su ponuđene cijene ponuđača DEFTER d.o.o. Sarajevo i CROBOX d.o.o. Sarajevo za više od 20 % niže od ponuđenih cijena ostalih ponuđača i da iste shodno članu 17. stav (7) Uputstva za pripremu modela tenderske dokumentacije i ponuda Agencije za Javne nabavke BiH predstavljaju neprirodno niske cijene, te je Komisija u skladu sa članom 66. stav (2) ZJN BiH od navedenih ponuđača zatražila i zaprimila pismena obrazloženja ponuđenih cijena, koja su od strane Komisije prihvaćena.

Komisija je u svom radu utvrdila da su ponude navedenih ponuđača formalno-pravno ispravne i ispunjavaju uslove tražene tenderskom dokumentacijom, te da su kao takve za ugovorni organ prihvatljive.

Obzirom da je za navedenu nabavku predviđeno provođenje e-Aukcije, Komisija se u odnosu na prihvatljive ponude pismeno obratila Sektoru za finansije i javne nabavke radi provođenja iste, te je zaprimljen Izvještaj o toku i završetku e-Aukcije broj: 1412-1-1-329/25 od 29.12.2025.godine, iz kojeg proizilazi da je prema konačnoj rang listi ponuđača koji su učestvovali u e-Aukciji, ponuđač CROBOX d.o.o. Sarajevo za postupku Javnu nabavku tonera i ketridža za LOT 2 - HP LaserJET za printere u garantnom roku, ponudio najnižu cijenu u iznosu od 44,00 KM bez PDV-a.

Rukovodeći se kriterijem najniža cijena/ponuda, Komisija je u skladu sa članom 70., ZJN BiH predložila da se za Javnu nabavku tonera i ketridža za LOT HP 2 - HP LaserJET za printere u garantnom roku, donese Odluka o izboru najpovoljnijeg ponuđača i ugovor dodijeli ponuđaču CROBOX d.o.o. Sarajevo, prema Ponudi broj: 1156/25 od 05.12.2025.godine, nakon provedene e-Aukcije, sa ponuđenom cijenom u iznosu od 44,00 KM bez PDV-a, što je konstatovala u Zapisniku o pregledu i ocjeni ponuda od 16.12., 24.12. i 30.12. 2025.godine.

Razmatrajući prijedlog Komisije, v.d direktora Federalne uprave policije donosi Odluku kao u dispozitivu.

Pravna pouka:

Protiv ove Odluke može se podnijeti žalba ugovornom organu, Federalnoj upravi policije Sarajevo, u roku od 10 (deset) dana od dana prijema ove Odluke.

**V.D. DIREKTOR
(Načelnik SKP-a)
GLAVNI INSPEKTOR**

Enes Zeljković

Dostaviti:

- Sektor za finansije i javne nabavke
- ponuđačima
- u spis